

## Usaha pembudayaan integriti mahasiswa, kakitangan UMP

Penubuhan Sekretariat Pencegahan Rasuah oleh Universiti Malaysia Pahang (UMP) adalah untuk menyokong usaha kerajaan memartabatkan kecemerlangan sektor awam dan swasta dengan budaya urus tadbir korporat berintegriti.

Naib Canselor UMP Prof Datuk Dr Daing Nasir Ibrahim berkata, penubuhan sekretariat itu adalah usaha pembudayaan integriti dalam kalangan mahasiswa dan kakitangan UMP.

“Kami juga menjalin kerjasama dengan Yayasan Pahang dan Institut Urus Tadbir Korporat (MGIC) melalui Pusat Tadbir Urus dan Integriti (FGIC) bagi

membangunkan Sistem Pengurusan Anti Rasuah (ABMS).

“Sistem itu yang dilancarkan pada 3 April lalu adalah mekanisme berteraskan teknologi dan berkeupayaan mengukur, mengesan dan menghalang risiko rasuah serta salah laku dalam kalangan pengurusan, pelabur, pekerja, pelanggan dan pihak berkepentingan dalam sesuatu urusan organisasi,” katanya ketika berucap pada Majlis Menandatangani Ikrar Bebas Rasuah (IBR) bersama Suruhanjaya Pencegahan Rasuah Malaysia (SPRM) Pahang di UMP kampus Pekan, kelmarin.